

# REFVTATION

## DV LIBELLE INTITVLE'

### EXCOMMVNICATION

### POLITIQUE,

LANCE'E SVR LE CLERGE'.

*Contre les sentimens de Monseigneur le Cardinal de Retz.*

Où l'on verra,

- I. Que le maniment des affaires d'Estat n'est pas contraire à la profession des Euesques & des Cardinaux: mais qu'il est particulièrement affecté & à l'une & à l'autre de ces deux charges.
- II. Que les Prelats qui s'ingerent dans les affaires d'Estat ne font que ce à quoy Dieu les a destinez de toute éternité, & que s'ils ne le faisoient pas, ils se mettroient au nombre des membres pourris, & des ames reprouuées.
- III. Que les Prelats ne doiuent iamais entrer dans les Palais des Grands, que pour s'offrir à decider les causes d'Estat, & à resoudre les differends de grande importance.
- IV. Que si les Prelats sont gens de bien, ils doiuent exposer leurs biens & leurs vies pour le bien de l'Estat, & pour le salut des peuples.

M. DC. LII.

# REEVATION

DE LIBRE INTELLECTUEL

## BYCOMMUNICATION

POLITIQUE

LAVOIE SUR LE GLOIRE

Leur gouvernement est un gouvernement de la

On les voit

I. Quel moment de la vie est le plus intéressant  
à la perspective des hommes et des choses, c'est  
est particulièrement celui où l'on se trouve de ces  
deux choses.

II. Quel est le plus intéressant moment de la vie  
à la perspective des hommes et des choses, c'est  
est particulièrement celui où l'on se trouve de ces  
deux choses.

III. Quel est le plus intéressant moment de la vie  
à la perspective des hommes et des choses, c'est  
est particulièrement celui où l'on se trouve de ces  
deux choses.

IV. Quel est le plus intéressant moment de la vie  
à la perspective des hommes et des choses, c'est  
est particulièrement celui où l'on se trouve de ces  
deux choses.

M. DC. LII





## REFUTATION DV LIBELLE

*intitulé Excommunication politique, lancée sur le Clergé : contre les sentimens de Monseigneur le Cardinal de Rets.*

**C**eux qui se veulent malicieusement opposer aux volonte<sup>z</sup> de Dieu : ceux qui blasphement publiquement contre l'autorité des Roys : ceux qui souhaitent d'empêcher qu'un homme choisi de toute éternité, pour iuger les causes & les differens de grande importance ; ne face pas sa charge : ceux qui s'attachent directement à noircir la reputation d'un Prince de l'Estat Sacerdotal : ceux qui ne travaillent qu'à troubler le repos public : & ceux qui ne cherchent continuellement qu'à pervertir les esprits, afin de plonger l'ame dans vn abisme infiny d'herésie, ne pinc<sup>ent</sup> pas mal la corde qu'ils doivent pincer, pour se mettre dans vne reprobation éternelle de Dieu & des hommes. Et quoy que ces Balthazars ou Balsasars de Babylonne veuillent dire, ie tiens qu'ils sont bien aueuglez dans leur iniquité de ne voir pas qu'il y a vne main qui escrit leur condamnation sur la muraille de leur logis, qui

est dans le iamaïs de leur habitatió infinie, cependant qu'ils escriuent leurs impietez sur quelques feuilles de papier: & qu'ils s'amusent à prophaner iniustement les vaisseaux d'un temple aussi sacré, que pas un de tous ceux que la nature sçauroit auoir construits, sur toute l'estenduë de son Empire. Ce sera durant le temps de cette desolation effroyable, que leur prodigieuse dissonance ne sonnera que trop mal aux oreilles d'un nombre infiny d'adorables legions; & qu'ils tascheront de flater toutes ces merueilleuses Hierarchies celestes du Clergé, afin de les obliger à prier Dieu pour eux: mais en vain, parce que, *in inferno, nulla est redemptio*: & parce qu'il n'y aura iamaïs de remission pour ceux qui pechent de gayetté de cœur contre le Saint: Esprit, au rapport de cette mesme verité, deuant la face de laquelle tous les Anges fremiront de crainte. Et finalement, encore un coup, ce sera durant le commencement de leur abomination incomprehensible, qu'ils sçauront au vray que le maniment des affaires d'Estat, n'est pas contraire à la profession des Euesques & des Carlinux que sa diuine bonté a voulu esleuer sur un throne Pontificat, par des mysteres où nous ne sommes pas dignes de peñeïrer: mais qu'il est encore particulièrement affecté & à l'une & à l'autre de ces deux charges: & voicy pour cela des authoritez contre lesquelles il n'y a point de recusation à faire.

Matt. 12.

1. Ioan 5.

Marc. 3.



Si difficile & ambiguum apud te iudicium esse per-  
spexeris inter sanguinem, & sanguinem causâ & causam:  
& iudicium intra portas tuas videris verba variari: sur- Deut. 17  
ge, & ascende ad locum, quem elegerit Dominus Deus v. 9. 10.  
tuus. Veniesque ad sacerdotes leuitici generis, & ad & 11.  
iudicem qui fuerit illo tempore: quaresque ab eis, qui  
iudicabunt tibi, iudicii veritatem. Et facies quodcunque  
dixerint qui presunt loco, quem elegerit Dominus, &  
docuerint te. Iuxta legem eius: sequerisque sententiam  
eorum, nec declinabis ad dexteram neque ad sinistram.  
Et voicy encore pour continuer.

Dixit autem Nathan ad David: quare ergo contem- 2. Roys.  
psisti verbum Domini ut faceres malum in conspectu meo? 9.

Mais pour finir, voyons encore le reste.

Tolle Iosué filium Num, qui stabit coram Eleazar  
Sacerdote, & omni multitudine. Et dabis ei precepta  
cunctis audientibus, & partem gloriæ tue, ut audiat nomb. 27.  
cum omnis Synagoga filiorum Israël. Pro hoc, si quid v. 19. 20  
agendum erit Eleazar sacerdos consulat Dominum. Ad & 21.  
verbum eius egredietur ipse, & omnes filij Israël cum  
eo, & cætera multitudo.

Voila des exemples tirez de la pure parole de  
Dieu pour faire voir à tous ceux qui ne sont pas  
bien versez en la science des choses diuines, que  
le maniment des affaires d'Estat, n'est pas contraire à  
la profession des Euesques & des Cardinaux: mais qu'il  
est particulièrement affecté & à l'une & à l'autre de  
ces deux charges. Et maintenant en voicy d'autres

pris des histoires de France, d'Espagne, d'Angleterre, & d'Italie pour prouuer la mesme chose.

Angleterre. Pierre des Roches Angeuin, & de plus Euesque de Wincestre, ne gouuerna t'il pas long temps l'Angleterre sous Henry III. durant que Louys VIII. Roy de France luy faisoit la guerre, pour l'execution de l'Arrest de la confiscation d'une grande partie de la Guyenne, donné contre le feu Roy Iean son pere?

Italie. Les Colomnes les Vitellesques, & les Caraffes, n'ont ils pas heureusement gouuerné tous les affaires d'Italie en qualité de Ministres d'Estat, avec vne fidelité inuiolable, en faueur des Souuerains qui les auoient esleuez en vne dignité de laquelle peude personnes scauroient estre capables?

Espagne. Le Cardinal Grauelles n'a t'il pas glorieusement seruy Charles Quint fils de Philippes d'Autriche, surnommé le grand, par le moyen duquel ce grand Empereur ietta dans ses Estats les premiers fondemens de cette grande puissance, qu'on peut dire auoir esté sans égale?

Espagne. Le Cardinal Ximenes, ne fut il pas Ministre absolu sous Ferdinand Roy d'Espagne?

Espagne. Le Cardinal Albornos & le Cardinal Caruagal n'ont ils pas absolument disposé de tous les affaires de cette grande partie de l'Europe?

Le Cardinal Romain, surnommé Bonauentu-



7  
re, ne fut-il pas le seul dont Blanche femme de  
Louys VIII. & mere de Saint Louys, se seruit France.  
pour administrer tous les affaires de sa Regence,  
pendant la Minorité de ce grand Prince?

Le Cardinal de Pellegrue, le Cardinal de la  
Roche, le Cardinal d'Amboise, le Cardinal d'Os France.  
sat, & le Cardinal de Rets, n'ont ils pas fait éga-  
lement tous deux des merueilles pour le bien de  
cette Couronne?

Et le Cardinal Duc de Richelieu, pendant le  
Regne de son Ministeriat, ne défit il pas mira-  
culeusement l'armée des Anglois dans l'Isle de  
Ré, venue au secours de la Rochelle? ne força  
t il pas les habitans de cette place quoy qu'impre-  
nable à se soubmettre à l'obeissance du Roy, de  
laquelle ils s'estoient soustraits? Ne secourut il  
pas Casal malgré toutes les forces du Roy d'Es- France.  
pagne & du Duc de Sauoye? Ne remit il pas par  
la merueilleuse vertu de sa politique, tous ceux  
de la Religion pretendue & reformée dans leur  
devoir, ce que personne du monde auant luy  
n'auoit iamais osé entreprendre? Ne declara t il  
pas la guerre aux deux plus grandes puissances de  
l'Europe? Et ne porta t il pas les armes de France  
si auant dans le cœur de l'Empire & de l'Espagne,  
que les François y ont tousiours fait du depuis des  
progrez incroyables?

De grace ou sont ceux qui ont iamais sçeu ren-

dre de si grands seruices à cette Couronne ? La dignité des exemples & des tesmoignages que ie cite à la confusion des excommunications politiques lancées sur le Clergé, autorise la refutation que i'en fais : & la dignité des personnes en faueur de qui ie plaide la cause, mettra tousiours leurs ennemys du costé du vent, & rendra tousiours ces Illustres Ministres de Dieu, inaccessible à toutes leurs calomnies.

Quels grands seruices auoit rendus Anne de Monmorency à l'Estat, pour en auoir esté recompensé de la charge de Marechal & de Connestable de France ? de Grand Maistre, de grand Chambellan & de Gouverneur du Languedoc ? De Marechal & de Gouverneur de l'Isle de France pour son fils aîné ? De Marechal, de Gouverneur du Languedoc en suruinance, & de Colonel de la Caualerie legere, pour son second fils ? Et de Colonel General des Suisses pour son troisieme sans conter qu'il auoit fait vn de ses nepueux Cardinal, l'autre Colonel de l'Infanterie, & l'autre Admiral de France. Et si pour le retirer des mains des ennemys lors qu'il fut pris prisonnier en la bataille de Saint Quentin, il falut donner tout le Piemont & plus de deux cens places assez importantes.

Quels grands seruices auoient rendus Messieurs de Guise à l'Estat pour auoir eu en leur personne, ou en la personne de leurs alliez, toutes



9  
les charges du Royaume?

Et quels grands seruices auoient rendus à l'E-  
stat plusieurs autres personnes dont l'histoire fait  
tant de mention, & dont le recit seroit trop en-  
nuyeux dans vn si petit ouurage, pour auoir re-  
gorgé de biens, de charges & d'honneurs au des-  
pens des affaires du Roy, del'Estat, & du peuple?  
Vn de ces Cardinaux que ie viens de dire, a plus  
fait luy seul pour les François, que tous ceux qui  
se sont continuellement voulu mesler de seruir  
nos Roys n'en ont iamais sçeu faire en leur vie.  
Ceux qui ne sont pas de leur profession, à cause  
de leurs femmes, de leurs enfans, de leurs alliez,  
& du grand nombre des Domestiques qu'ils doi-  
uent auoir pour le seruice des vns & des autres,  
sont obligez à plus de despense. Et plus ils sont  
obligez à plus de despense, & plus ils sont cupi-  
des d'auoir, & plus ils sont cupides d'auoir, & plus  
ils sont corruptibles; au contraire des autres qui  
ont de grands benefices, & par consequent de  
grands biens, & point de charge ny de suite qui  
les puisse incommoder en aucune sorte. Outre  
qu'ils sont d'une condition qui les oblige d'auoir  
beaucoup plus de charité pour leur prochain, &  
beaucoup plus d'amour pour leur patrie. Dieu ne  
les a pas appelez dans vn Ministeriat de si haute  
importance que le leur, sans que sa diuine Maieité  
ne les ait premierement iugez dignes d'une grace  
si particuliere.

C

La volonté de celuy qui peut toutes choses, à laquelle les Souuerains de la terre doiuent conformer toutes les leurs, s'ils veulent faire prosperer leur regne se communique bien plus amoureusement à ceux qui conferent tous les iours avec luy, que non pas à ceux qui ne le recoiuent qu'une fois tous les ans de la main des autres. Comme l'homme contient en soy toutes les autres creatures en qualité d'un petit abrégé du monde, ie dis pareillement aussi que le Ministère de Dieu dans lequel tous les autres doiuent estre compris, s'ils ne veulent estre séparés du nombre des iustes, doit contenir tout le reste des autres Ministères en qualité d'intendant vniuersel de tous les affaires des hommes, puis que l'homme ne scauroit iamais rien faire de bien qu'en conscience. La puissance d'absoudre & de iuger n'a esté donnée aux Prestres que pour cela, & qui n'adioustera pas foy aux diuines institutions, & aux decrets d'une puissance tres absoluë, cour grand risque d'estre fort mal receu au tribunal de son adorable Iustice. Le Conseil qui vient de la part d'une personne que Dieu vient de choisir pour administrer le salut de ses creatures, afin qu'elles ne fassent rien contre sa volonté, n'est pas moins necessaire au souuerain que le conseil de celuy qui ne scauroit venir que de la part des hommes. En effect, si les Roys ne conduisoient leurs Royaumes selon la



volonté de cet adorable Seigneur, leurs desseins  
 ne scauroient iamais prosperer, & les pretensions  
 qu'ils doiuent auoir en la vie éternelle courroient  
 grand risque. Et comment les scauroient ils par-  
 faitement bien conduire selon Dieu, s'ils n'auoient  
 continuellement des Prelats aupres d'eux, qui en  
 qualité de directeurs de leur conscience leur fissent  
 connoistre ce qu'ils doiuent faire ou ne faire  
 pas, pour ne rien faire ou leur ame soit interessée.  
 C'est pourquoy ie trouue que le maniment des affai-  
 res d'Estat ne scauroit iamais estre contraire à la pro-  
 fession des Euesques, & des Cardinaux, quoy que  
 nostre nouveau politique en puisse dire: Car qui  
 scait iuger & gouverner les affaires selon Dieu, les  
 scait bien iuger & bien gouverner selon les hom-  
 mes, si nostre aduersé partie ne veut qu'on les iu-  
 ge & qu'on les gouverne selon les preceptes de  
 Machiauel, ou selon les abominables documens  
 du Prince des tenebres. Et voicy encore vn coup  
 en faueur de ceux qui ne sont pas si bien versez en  
 la langue Latine que vous, de quelle façon est-ce  
 que ce Diuin Legislateur cet admirable prophete,  
 & ce digne Historiographe Moyse, auteur de la  
 loy Iudaïque vous parle au nom de celuy qui vou-  
 dra rendre conte vn iour de tous vos blasphemes  
 afin de vous faire voir à tous ceux de vostre secte,  
 que le maniment des affaires d'Estat n'est pas  
 contraire à la profession des Euesques & des Car-

dinaux, comme vous voulez que cela soit: mais qu'il est encore particulièrement affecté & à l'une & à l'autre de ces deux charges.

Quand la chose ie sera trop douteuse & trop difficile à decider entre sang & sang, entre cause & cause, dit cet Adorable Sauueur de nos ames, parlant aussi bien à tous les Roys de l'vniuers, qu'au reste des hommes, & que tu verras que les paroles des iuges de la terre seroient diuerses, leue toy & t'en viens aux Prestres & aux iuges qui seront de ton temps, afin de scauoir de ces Oracles de la mesme verité, ce que tu auras à faire, & tu feras absolument tout ce qu'ils te diront, sans te retourner ny à dextre ny à senestre. Et qui par arrogance ne voudra pas obeyr au commandement du Prestre sera mis à mort par Sentence de iuge. Voila des ja vostre procez bien fait, Monsieur le nouveau Politique. Et par qui? par celuy qui doit iuger tout les hommes, d'un iugement irreuocable. Mais passons outre & voyons le reste. Et quand le Roy sera assis sur le throsne de son Royaume, il escrira pour soy le Deuteronomie de cette Loy, en vn liure, suiuant en cela l'exemple des Prestres, qu'il aura avec soy, & qu'il lira tous les iours de sa vie, afin qu'il apprenne à craindre le Seigneur son Dieu, & qu'il observe les commandemens qui luy seront faits. Et Nathan, tres zelé Ministre du Prince des armées, dit à Dauid, Pourquoy est-ce que tu as mespris la parole du Seigneur, pour faire mal en sapresence.

Deut. 17.

Deut. 17.

Deuteronomie est vn mot Greccoposé de Deuterios, Nomos qui veut dire reiteration de loy.



sence &c? Et puis que tu as fait cela l'espée ne laissera pas de fraper ta maison, & Dieu te liurera entre les mains de tes aduersaires: & quoy que tu l'ayes secrettement offensé, il ne laissera pas de te punir en plein midy deuant tout le monde. Et pour cela il fit mourir son fils, & si Dauid n'eut prie, ieusné, & fait penitence, Dieu ne luy auroit pas remis son peché en aucune façon, & il l'auroit fait mourir luy mesmes. Et pourquoy tout cela? pour auoir mesprisé la parole du Seigneur, & pour ne s'estre pas voulu seruir des maximes de Dieu, pour corriger celles des hommes. Voila qui fait bien assez sensiblement voir que les Princes de l'Eglise se doiuent mesler des affaires d'Estat, puis que les affaires d'Estat son abominables à Dieu, s'ils ne sont pas conduits selon ses preceptes.

Et ce Souuerain Createur du Ciel & de la Terre, ne dit-il pas à Moyse, lors qu'il ne pouuoit pas estre maistre de ses peuples? Prends Iosué fils de Nun, de la Tribu d'Ephraïm, qui est vn homme qui scait parfaitement bien se seruir de l'esprit de Dieu, lequel tu presenteras deuant Eleazar, Souuerain Pontife de toute la Loy Iudayque, & luy bailleras tous les comandemens qu'il doit auoir, & vne partie de ta gloire, en presence de toute la Congregation des Prestres, afin que sur la parole de mon Prestre, il puisse plus librement aller & venir avec toute son armée, la où il luy sera necessaire: afin que s'il luy suruient quelque desordre dans le mani-

ment des affaires de l'Estat que ie luy mets en main, il demande conseil à mon Sacrificateur, & mon Sacrificateur à moy: afin qu'il ne fassent rien contre ma volonté: & finalement afin que ie benisse ses intentions, & que ie ne manque pas de l'assister en toutes ses entreprises: car à moins de cela, il ne faut pas qu'il espere de pou- uoir iamais bien reüssir en ses affaires, qui sont quatre raisons tres-puissantes à faire voir le con- traire de tout ce qui est inseré dans l'excommu- nication vniuersellement lancée sur tout le Cler- gé de la terre. Et quoy apres cela, Monsieur le nouveau politique, vous voudriez encore souste- nir à la barbe de tout l'Vniuers, que le maniment des affaires d'Estat est contraire à la profession des Pre- lats & des Cardinaux, & que ceux qui s'ingerent dans les affaires d'Estat Apostazient? Scachez que l'E- criture Sainte est vne Doctrine que vous deuriiez vn peu mieux expliquer que vous ne faites pas, & pour vostre salut, & pour le bien de route vo- stre patrie.

Je passeray sous silence les petits contes que vous raportez du feu Duc d'Espérnon & du Pere Ioseph, & la citation que vous faites de S. Ber- nard, qui n'a iamais songé à dire la chose du biais que vous la luy faites dire. Il conseilloit bien ses Religieux de ne pas rechercher les honneurs d'administrer les affaires des Princes; parce que ce seroit marquer en les recherchant, auoir vn



desir contraire au vœu qu'ils ont fait de quitter le monde: mais il ne leur defendoit pas de se mêler du gouvernement de l'Estat; lors que la necessité de l'Estat exigeroit ce service de leur pieté, pour le bien commun de toute vne Monarchie. Et si ce grand Saint eut fait autrement, il auroit fait tout ce qu'un ennemy mortel de la plus haute & plus importante charité Chrestienne auroit peu faire contre cette Espouse du Sauueur de nos ames, qui est vn peché dont ce grand Saint ne fut iamais taché de sa vie, non plus que des autres.

L'exemple que vous alleguez encore de Zeleucus, Legislateur de la Ville de Locres en Calabre, Prouince d'Italie, est vn exemple de l'invention d'un autheur qui n'auoit iamais eu aucune lumiere de la doctrine Euangelique. Ce qui est vne matiere de recusation tres iuste & tres équitable, en faueur de la loy que ie cite & que i'ay prise de la pure parole de Dieu. Ceux qui ont leu l'histoire des Romains, & mis le nez dâs le vieux testament, sçauent bien qu'il y a eu peu de Princes de la loy Mosaique, qui n'ayent donné la loy aux Princes qui viuoient sous la mesme loy; puis que les Roys de Iuda estoient enseignez par eux: puis que les Roys de l'ancienne Loy receuoient leurs loix: & puis que les causes & les differends de grande importance estoient renuoyez deuant ces venera-

1. Roys

12.

Deut. 7.

v. 8. & 19.

bles Sacrificateurs de sa toute-puissance, ainsi que nous venons tout presentement de le verifier par la loy, à qui toutes les autres loix doiuent estre soubmises. Et puis que vous confessez que Iesus-Christ a transfere tout son pouuoir aux Prestres, ainsi que vous venez de le dire dans la septiesme page de vostre beau libelle, il faut aussi que vous confessiez apres cela que les Prestres ont vn pouuoir tres-absolu sur les affaires d'Estat, puis que Iesus-Christ estoit en ce temps là le chef de toute Principaute, & qu'il triomphoit de toutes les Principautez, & de toutes les puissances du monde, ainsi que S. Paul nous l'apprend fort bien, en écrivant à ceux de Colosse ville de Phrygie. C'est pourquoy Dieu veut qu'ils ayent vn grand soin des Estats comme d'une chose qui est plus à luy, qu'à tous les Princes de la terre. Et c'est pourquoy Dieu veut que les charges, les gouuernemens, les honneurs, les recompenses, les soins de la guerre & de la police, la distribution des bien-faits, les traitez des alliances, la punition des criminels, les intendances, & tous les autres emplois de cette nature, soient soubmis à la prudence & à la conduite de ses Ministres, & non pas à la prudence ny à la conduite ny du tiers Estat, ny de la Noblesse. Ce sont des graces de sa toute-puissance, qui ne scauroient jamais estre parfaitement bien distribuées, selon la volonte de Dieu, laquelle doit estre



estre preferée à toute autre volonté, si elles n'estoient distribuées par ceux qui en ont vne plus particuliere connoissance, & qu'il la choisit de toute éternité pour estre les équitables dispensateurs de ses liberalitez infinies, veu qu'il n'y a rien icy bas qui ne doive releuer de sa prouidence infinie.

Jugez après cela, Monsieur le nouveau Politique, si c'est sçauoir aneantir de bonne grâce toutes vos maximes. Venons maintenant au second point qui est de sçauoir si les Prelats qui s'ingèrent dans les affaires d'Estat sont des apostats.

2. Si le maniment des affaires d'Estat n'est pas contraire à la profession des Prelats, ie puis fort facilement prouuer que les Prelats qui s'ingèrent dans le maniment des affaires d'Estat, ne sont pas des apostats, pour me seruir de vostre propre façon d'argumenter, quoy qu'elle ne soit pas des plus raisonnables du monde. Or ie viens de prouuer par l'Ecriture sainte, par l'usage de tous les Estats les mieux policez, & par des raisons tres-pertinentes, que le maniment des affaires d'Estat n'est pas contraire à la profession des Prelats: donc les Prelats qui s'ingèrent dans le maniment des affaires d'Estat ne sont pas des apostats. Voilà tout d'un coup toute la Philosophie de nostre nouveau politique renuersé par le renuersement de son Syllogisme.

Je demeure d'accord avec vous qu'un hom-  
 me qui s'est rebellé ou qui s'est reuolté contre  
 son party, ou bien vn homme qui a tourné ca-  
 sa- que à la veritable Religion, pour embrasser quel-  
 que creance contraire à l'Orthodoxe, & dans cer-  
 te signification ie ne trouue pas que les Ecclesia-  
 stiques qui se sont ingerez dans le maniment des  
 affaires d'Estat soient des apostats, puis qu'en ser-  
 uant le Roy & le public ils ne se sçauroient estre  
 ny rebellez, ny reuoltez contre leur party, ny  
 auoir pour cela embrassé quelque creance con-  
 traire à l'Orthodoxe quand bien mesme ils au-  
 roient tenté toutes les voyes où tous les moyens  
 qui se peuuent tenter selon Dieu pour se frayer  
 quelque chemin dans le gouuernemēt de l'Estat.  
 C'est sçauoir mal argumenter, que d'argumenter  
 de la sorte. Leur party c'est d'aymer Dieu de tout  
 leur cœur, & leur prochain comme eux-mesmes.  
 Ils n'ont esté créez que pour cela, ny appelez à la  
 dignité où ils sont que pour la mesme chose, &  
 cela estant, ils sont obligez de seruir le Roy & le  
 public, & de sacrifier pour leur patrie. Ou si vous  
 voulez que leur party soit le seruice de Dieu & de  
 son Eglise, vous trouuerez encore que ce seroit  
 mal embrasser le party de tous les deux, & seruir  
 tres mal l'époux & l'épouse, que d'abandonner  
 les creatures de l'un, & les enfans de l'autre aux  
 mal-heurs dont ils sont presentement assaillis, s'ils b



sont en estat de faire leur salut par leur bon conseil ou par leur bonne conduite. Il n'y a ny voile, ny charge, ny condition qui puisse exempter l'homme de bien faire: au contraire, il n'y a ny moine, ny Prelat, ny Roy, ny Prince, ny noble, ny roturier, qui ne soit obligé de se sacrifier pour sa patrie, quand la necessité des affaires y obligeront ou les vns ou les autres. La comparaison de ce ieune homme qui s'estoit attaché à la suite de Iesus-Christ, cloche: celuy-là quittoit le Createur pour la Creature: mais les Prelats qui se mêlent des affaires d'un Souuerain pour le bien de son Estat, quittent vne vie qui n'est vile que pour eux, pour seruir le Createur en la personne de ses Creatures.

Je ne vous déchiffreray pas icy pour vous faire connoistre, à Dieu ne plaise: mais quand vous clabaudez tant contre ces Religieux qui ont à ce que vous dites retracté le serment qu'ils ont fait de leur vie monastique, que ne prenez vous le soin de considerer en vostre personne, ce que vous blasmez si fort en la personne d'autrui, afin d'excuser ce qu'ils font, par le ressouuenir de ce que vous auez fait, ou bien afin de vous condamner aussi hardiment que condamnez ces illustres objets de vostre colere. Ne sçauiez vous pas bien Dieu mesure ces estranges Censures, de la mesme mesure qu'ils mesurent les autres. Pouuez

vous accuser cès gens là d'Apostasie sans vous mettre au nombre des Apostats, & sans prononcer vostre condamnation, aussi hardiment que vous prononcez celle de la mesme innocence. L'air, la façon, la chaleur, & l'empressement, dont vous debitez vos suppositions, font bien voir que vous n'estes qu'un extreme medisant, & qu'une partie tres interressée en la cause que vous plaidez avec tant de rage. N'estes vous pas comme Theodore de Beze, qui apres s'estre déclaré ennemi iuré de l'Eglise; escriuit des choses impudiques contre elle? N'estes vous pas comme Calvin, qui prevenu d'un grand crime s'enfuit en Italie & puis à Genève, ou il ne se contenta pas de faire imprimer plusieurs impietez contre les Ecclesiastiques: Mais encore contre Dieu mesmes? Ou finalement n'estes vous pas comme Luter, qui offensé de ce que le Pape de son luy auoit pas commis la promulgation, ou pour parler François la publication des indulgences, se mit au rang des Apostats, en se rendant trop indulgent au deplaisir qu'il auoit, de ne se voir pas assez considéré dans l'Estat Ecclesiastique où Dieu l'auoit appelé, & en commençant d'eschre & de clabauder comme vous faites contre l'Eglise & les Ecclesiastiques, il se maria avec Catherine de Bore Religieuse, rauie au Monastere de Nymique. Vous avez esté autrefois ou un peu



peu s'en faut du nombre des peuples saerez, aussi bien que ces gens là, & vous estes maintenant vn de ceux qui cherchent à les persecuter avec plus de rage que pas vn autre.

C'est vn grand mal-heur à vn homme, de ne pas bien croire en l'Eglise, dont l'Autorité fut commencée par des grands miracles, nourrie par la grande esperance des veritables croyans, augmentée par la grande charité de ses bien-faiteurs, & confirmée par l'antiquité de sa primitive. C'est encore vn grand auement de ne pas bien croire à l'Euangile, la verité duquel est sortie de la propre bouche du fils de Dieu, signée par le sang des Apostres & des Martyrs, & verifiée par les escrits de tant de grands hommes: Mais certes c'est bien encore vn plus grand mal-heur & vn plus grand auement, que d'auoir esté esleué & nourri dans l'Eglise, & auoir sucçé le lait de son saint Euangile, pour puis apres escrire & clabauder contre elle & contre ses plus principaux & plus fidelles Ministres avec vne impudence si outrageuse & si criminelle que la vostre. N'est-ce pas aussi à cause qu'on ne vous ya pas voulu donner, non pas vn Chapeau de Cardinal: car c'est vn morceau trop excellent pour vous, & duquel vous ne lerez iamais digne, quoy que vous puissiez faire: mais vne charge de portier: car pour Lecteur, vous estes trop impa-

tient: pour exorciste, & vous n'estes pas assez hôte de bien: Pour Acolyte, il faut estre vn peu plus humilié que vous n'estes pas: Pour Soudia- cre, c'est où iamais prohan n'arriua: pour Dia- cre, c'est vn peu trop releué pour vous: & pour Prestre, c'est de quoy vous ne fustes iamais di- gne non plus que d'un bon Benefice. *Parez ce coup si vous pouuez Monsieur le nouveau Politique.*

3. Mais quoy est-il possible que vous ne nous donniez iamais que des cōtinuelles redites dans toutes les sections de vostre libelle. Il est vray que vous semblez estre en quelque façon excu- sable en cela; que toutes vos autres proposi- tions sont comprises dans la premiere: Car si le *maniment des affaires d'Estat estoit contraire à la profession des Prelats & des Cardinaux*, il s'ensuiuroit de là que *s'ingerant dans les affaires d'Estat seroient des Apostats*, qu'ils ne deuroient iamais entrer dans les Palais des Roys que pour y porter les parolles de l'eternité, & que s'ils estoient gens de bien, ils ne songeroient iamais à les entre- prendre. C'est vne proposition qu'on ne sçauoit aduoüer, ny desaduoüer, qu'en aduoüant ou de- saduoüant tout le reste. C'est pourquoy ie me suis si fort estendu sur la premiere: car en destruisant celle-là, toutes les autres sont destruites. Neant- moins ie ne laisseray pas de dire que puis que i'ay des ja fait voir que *le maniment des affaires d'Estat n'estoit pas contraire à la profession des Euesques &*



des Cardinaux; de dire pareillement aussi, en consequence de ce que j'ay dit, que les Euesques & les Cardinaux peuuent entrer chez les grands à dessein de s'ingerer dans les affaires d'Estat, aussi bien qu'à dessein d'y porter les parolles de l'eternité sans passer pour Apostats & sans passer pour meschants hommes. La conclusion en est infaillible, & voicy comme ie le prouue.

Tout homme qui est dans une profession à qui le maniement des affaires d'Estat n'est pas contraire, se peut fort facilement ingerer dans la maison des grands pour en auoir l'employ sans passer pour Apostat. Les Euesques & les Cardinaux, sont d'une profession, à qui le maniement des affaires d'Estat n'est pas contraire selon que nous l'auons desja fait voir en respondant à la premiere proposition de l'excommunication publique.

Donc les Euesques & les Cardinaux, se peuuent fort facilement ingerer dans la maison des grands pour en auoir l'employ, aussi bien que pour y porter les parolles de l'eternité, sans passer pour Apostats, & sans faire tort à leur bonne vie.

Après cela; ces exemples que vous alleguez de S. Ildephonse grand defendeur de la Vierge, de Pierre de Moncade Euesque de Pampelune, de S. Fulgence Euesque de Ruspe, de S. Ambroise Euesque de Milan, de Bertrand de Guille-raques, & des Dictateurs de Rome, ne font rien qu'amuser le tapis, & qu'allonger vostre matie-

re. Quoy parce que Ildephonse n'entroit iamais dans la Cour de Dom Sanchez Roy d'Espagne, que deux fois l'ann<sup>e</sup>? Quoy parce que Pierre de Moncade, ne visitoit pas souuent le Roy de Nauarre? Quoy parce S. Fulgence n'alloit chez Theodoric Roy des Gots, que pour corriger ses brutalitez? Quoy parce que S. Ambroise ne voyoit iamais Theodose qu'à dessein de luy remettre le carnage de Thessalonque deuant les yeux? & que les Souuerains Pontifes & les Prestres de Mars, à vostre conte n'entroient iamais dans les maisons des Consuls, & des Dictateurs de Rome, que par miracle: tous les Euesques, tous les Cardinaux, & tous les Ecclesiastiques du monde en doiuent faire de mesme? c'est sçauoir mal argumenter s'il me semble. Ce sont des propositions demy alterées, que vous enchassez à force dans vostre ouurage, pour les accommoder ou approprier à vostre sujet: mais ie ne voy pas que vous en puissiez tirer vne conclusion qui ne soit plus à vostre confusion, qu'à vostre aduanage. Voyez vn peu si i'aurois bonne grace à raisonner de la sorte.

Les Anglois n'ont point de Roy, les Suisses ont coupé la gorge à toute la Noblesse de leur pays, les Turcs persecutent les Chrestiens, & ne veulent pas croire en Iesus Christ, c'est pourquoy tous les François doiuent faire de mesmes.

Aussi



Aussi Ildephonse, Moncade, Fulgence, Ambroise, Guilleragues, & les Prestres de Mars, n'alloient que rarement chez les Grands: donc tous les Euesques & les Cardinaux en doiuent faire de mesmes. N'est-ce pas là se seruir de l'art de persuader, & le faire marcher comme ceux qui lisent l'Hebreu, ou comme les écreuisses. Et quand i'entends que les Ecclesiastiques aillent chez les grands, ie n'entends pas qu'il y aillent ny comme fiateurs ny comme interessez, ny comme mercenaires pour y grossir vn party, ny pour y faire monopoles: mais i'entends qu'ils y aillent de la part de Dieu, pour prescher la paix au Souuerain, ou si la guerre est iuste, pour se mesler des affaires d'estat, & pour instruire le Prince des moyens qu'il doit tenir pour surmonter ses aduersaires. L'aprobation des peuples n'est nullement necessaire à cela; parce que les peuples ne sont que des ignorans, & dans cette ignorance, ils se portent plus librement à leur perte, qu'au bien de leurs affaires. Il ny a que trop d'exemples de cela mesme dans le temps où nous sommes.

4. C'est pourquoy, ainsi conduits de l'esprit de Dieu comme les nostres, il y peuuent aller à quelque heure que ce soit, sans craindre ny les broüillons, ny les mesdisans, ny les factionnaires. Et s'ils sont gens de bien & grandement zelez

pour la gloire de Dieu, & pour le bien de l'Estat, ils sont tres-capables de gouverner les affaires d'une Monarchie: car au moins en cette qualité, ils auront tousiours l'esprit de Dieu avec eux qui ne manquera pas; puis que ce Souuerain Seigneur leur promet d'estre tousiours au milieu de leurs congregations quand ils seront trois assemblez en son nom, c'est pourquoy ils sont plus capables de gouverner les affaires du Roy, que toute autre sorte de personnes, & pour la gloire de Dieu, & pour le bien du souuerain, & pour l'vtilité publique. Je ne croy pas qu'il y puisse auoir vn esprit plus intelligent ny plus consommé au maniment des affaires d'Estat que l'esprit de celuy qui leur promet de les instruire & de les esclairer iusques à la fin des siecles. Et puis outre cela, pourquoy ne voulez vous pas qu'ils ayent autant de capacité, & autant d'experience que les autres? Ceux qu'on reçoit tous les iours dans les gouuernements des Estats, où est ce qu'ils ont fait leur apprentissage. Ceux que Dieu a choisis luy mesme au milieu d'un nombre infy des creatures pour les esleuer au Ministère du plus cōsiderable de tous les Estats, sont bien plus capables de gouverner vn Estat moins important que ceux qu'il n'a pas iamais choisis pour cela, & qu'il ne choisira iamais de leur vie Qui est capable du plus, est bien capable du moins si les axiomes de toute



la Philosophie & diuine & humaine ne sont res-  
faux, ce qui ne ſçauroit iamais eſtre.

Ceux qui comme vous demandent caut on,  
pour ne pas douter d'une vertu qui ſe ſeroit con-  
ſeruée dans l'exercice d'une longue politique, ſans  
alterer en aucune façon leur pureté, ſont donc en  
doute de la vertu de loſias, de Zorobabel, de tous  
les Machabées, de loſüé, de Dauid, de Moyſe &  
de pluſieurs autres. Sachez que la vraye pureté,  
principalement celle qui eſt en la perſonne de  
ceux que Dieu n'abandonne iamais, eſt incorru-  
ptible, & ie vous prie de croire que ſ'il ne falloit  
pas finir ce petit diſcours que ie vous en donne-  
rois cent exemples ſans les aller chercher ailleurs  
que dans les hiſtoires du réps. & que ie vous ferois  
bien voir que ce n'eſt pas vn ſi grand miracle que  
celuy que loſüé fit deuant Gabaon, ville de la  
Paleſtine. Toutes les conſciences des hommes  
ne ſont pas comme voſtre eſprit ſe les figure; à  
Dieu ne plaiſe, & cerres ſ'il n'y auoit des gens de  
bien, bien plus gens de bien dans le monde que  
vous, & qui ſont par nature ce que vous ne ferez  
iamais par grace, tout le monde enſemble cour-  
roit grand riſque.

- Vous voyez bien par là qu'un bon Prélat peut  
auoir les vertus d'un Miniſtre d'Eſtat, puis que  
des hommes qui n'eſtoient pas Prelats les ont  
euës au plus éminent degré de la perfection, &

qu'il est de mesme possible qu'un bon Ministre d'Estat puisse viure en veritable Prelat puis que de si grands politiques qui n'estoient pas Prelats ont vescu si dignement dans la mesme vertu que scauroit auoir le plus illustre de tous les Ecclesiastiques. Ouy certes ces gens là ont esté chastes au beau milieu du débordement: Ouy certes ces gens là n'ont pas esté vindicatifs, pendant que l'honneur du monde les obligeoit à prendre feu à toute apparence d'affront: & ouy certes ces gens là ont vescu dans la simplicité Chrestienne, pendant qu'ils estoient forcés par la nécessité de leur condition, de faire iouer toutes les ruses de la politique mondaine.

Concluez donc avec moy de grace, que les Prelats qui sont gens de bien comme ceux de qui ie plaide la cause doiuent plustost gouverner les affaires d'Estat, que qui que ce soit, & que les affaires des Roys, & des peuples ne scauroient iamais estre bien conduites, s'ils ne sont cōduites par ceux qui scauent parfaitement bien conferer avec Dieu, pour les bien faire.

**F I N.**